



Fidoyilik —
Vatanga xizmat demak!

2025-yil 4-fevral, seshanba,
14 (24.040)-son

O'zbek xalq
maqoli

Yigit
g'ami elida,
elning g'ami
dilida

1913-yil aprel oyidan chiqib boshlagan



www.zarnews.uz <https://www.facebook.com/zarnews.uz> https://twitter.com/zarnews_uz

DAROMADI BOR OILAning

muammosi kam bo'ladi

Mahallalarni xavfsiz hududga aylantirish avvalo, oiladagi muhitdan boshlanadi. Xo'sh, bu borada viloyatimizda ahvol qanday? Xonadonlarda xotirjamlikka rahna soluvchi illatlar nima, totuv oilalarning siri-chi? Bosh vazir o'rinbosari — Oila va xotin-qizlar qo'mitasi raisi Zulayho Mahkamova bu gal viloyatimizga safari davomida shu masalalarni o'rgandi.

Avvalo, tumanlarda bu borada olib borilayotgan ishlar bilan tanishildi. Jumladan, Oqdaryo tumanining Yangiqo'rg'on mahallasida kambag'al-likni qisqartirish, oilalar farovonligini oshirish orqali ijtimoiy-ma'naviy muhit barqarorligini ta'minlash bo'yicha amalga oshirilayotgan ishlar tahlil qilindi, vazifalar belgilandi. Muammoli va nizoli oilalar, huquqbuzarlik va jinoyat sodir etgan yoki sodir etishga moyilligi bo'lgan xotin-qizlarga ijtimoiy faol ayollardan "ma'naviy murabbiy"lar birlashtirish bo'yicha tavsiyalar berildi. Bandaligini ta'minlash maqsadida bir guruh xotin-qizlarga tikuv mashinalari topshirildi.

Shuningdek, ushbu mahallada tashkil etilgan "Oila maskani"ning ochilish marosimi ham bo'lib o'tdi. Bu

yerda xotin-qizlarni kasb-hunarga o'rgatish, salomatligini mustahkamlash uchun shart-sharoitlar yaratilgan.

Ishtixon tumani va Kattaqo'rg'on shahridagi o'rganishlarda ushbu hududlarda oilalarning daromad manbaini oshirishda "Sayhunobod tajribasi"ni yo'lga qo'yish lozimligi ta'kidlandi.

Bugun xotin-qizlarning ijtimoiy himoyasi, bandligini ta'minlash deganda faqat ularga bitta tikuv mashinasi ajratish tushunilmayapti, balki kasb-hunarga o'rgatish, zarur shart-sharoit yaratish, ishlab chiqayotgan mahsulotini qay tartibda iste'molchiga yetkazishgacha bo'lgan jarayonni qamrab olgan holda ko'mak berilmoqda, - dedi Z.Mahkamova mas'ullar, xotin-qizlar faollari bilan uchrashuv chog'ida. -



Ularining oiladagi ahvolidan kelib chiqqan holda turli darajadagi yordam ko'rsatilishi natijasida ayollar bandligi ta'minlanayapti, oiladagi u yoki bu muammosi hal etilyapti. Xususan, Samarqand viloyatida ham o'tgan yil davomida "Ayollar daftari"ning 5-bosqichiga kiritilgan 104 mingdan ziyod xotin-qizga amaliy yordamlar ko'rsatilgan. Lekin mahalladagi har bir faol avvalo, oilalarni chuqur tahlil etishi, uning muammosiga yuzaki yondashmasligi zarur. Chunki

sirtidan xotirjam ko'ringan oilada ham muammolar bo'lishi va u bir kun yuzaga chiqishi mumkin.

Samarqand davlat universitetida "Ma'rifatli ayol — farovon jamiyat tayanchi" mavzusida tashkil etilgan anjumanda Bosh vazir o'rinbosari Zulayho Mahkamova jamiyatda xotin-qizlarning o'rni, gender tengligi, oiladagi roli, yoshlarga ta'lim-tarbiya berishdagi faolligiga e'tibor qaratdi.

G.KOMILOVA.

2025-yil Samarqand turizmi uchun yangi davr bo'ladi

Viloyat hokimi yaqinda aholiga murojaatida joriy yilga mo'ljallangan ustuvor vazifalar qatorida turizm sohasini alohida qayd etib, turizm mahalla va qishloqlari ko'paytirilishi, sayyohlik imkoniyatlari yuqori bo'lgan hamda infratuzilmasi mavjud 14 ta qishloq, mahallaga shunday maqom berish choralarini ko'rilishini ta'kidladi.

Shu paytgacha viloyatimizdagi Konigil, Tersak, Bog'ibaland mahallalariga turizm qishlog'i va turizm mahallasi maqomi berilib, ushbu hududlarda sayyohlar uchun har tomonlama qulay shart-sharoit, shunga mos infratuzilma yaratilgan, ko'plab yangi ish o'rinlari ochilgan.

Dastlab 2020-yilda Samarqand tumani Konigil mahallasidagi Siyob arig'i atrofi obod qilinib, bu yerda yurtimizdagi ilk turizm qishlog'i tashkil etilgan edi.

O'tgan yil mazkur loyihaning ikkinchi bosqichi amalga oshirilib, Siyob arig'i atrofi M-39 avtomobil yo'ligacha obod qilindi, turistik obyektlar bunyod etildi. Ikkinchi bosqichida 22 gektar maydon qamrab olingan holda Siyob arig'i tozalandi, atrofi obodonlashtirildi. Ariq yoqalab yo'l ochildi, 2,5 kilometr masofada veloyolak va 3,5 kilometr piyodalar yo'lagi tashkil etildi. Hududda mahalla aholisi va tadbirkorlar tomonidan 51 ta obyekt, ya'ni mehmon uylari, savdo rastalari, hunarmandchilik ustaxonalari, milliy uslubdagi umumiy ovqatlanish shoxobchalari, dam olish maskanlari bunyod etildi.

O'tgan yilgi ishlar haqida gapirganda davlatimiz rahbari tomonidan 2024-yil 6-fevralda Samarqand tumanidagi Ohalik, Oqbo'yra va Mironqul mahallalari hududida umumiy maydoni 4656 gektar bo'lgan turistik-rekreativ zonasi tashkil etish to'g'risida qaror qabul qilinishini alohida qayd etishni istardim. Tog'li hududda joylashgan ushbu mahallalarda ham turizmni rivojlantirish uchun juda katta imkoniyatlar mavjud. Qarordan so'ng tuman hokimligi huzurida turistik zona direksiyasi tashkil etilib, xorijiy hamkorlar bilan birgalikda mazkur loyihaning master rejasi ishlab chiqildi. Bu yerda tog' turizmi bo'yicha "ziplayn", "banji-jumping" va "zorbing" atraksion-

lari, kanatli park, dor yo'llari, delpatlan va paraplan yoki havo sharida uchish kabi ekstremal turizm yo'nalishlari yo'lga qo'yiladi. Mehmon uylari, zamonaviy joylashtirish vositalari tashkil etiladi. Hozirda bu borada amaliy ishlar boshlangan.

2024-yilda viloyatga 2 million 523 ming nafar xorijlik va 4 million 715 ming nafar mahalliy sayyoh keldi. Ularning Samarqandda bo'lishi 2 kundan 2,7 kungacha, turizm xizmatlari eksporti 537 million AQSh dollariga yetgan.

Hozirda viloyatimizda 18 ming o'rinni 642 ta joylashtirish vositasi, jumladan, 175 ta mehmonxona, 344 ta oilaviy mehmon uyi va 121 tasi xostel mavjud. 389 ta sayyohlik kompaniyasi, 680 nafar gid-tarjimon, 11 ta turizm axborot markazi faoliyat ko'rsatmoqda. Turistik sinfga mansub 125 ta avtobus va 120 ta mikroavtobusdan samarali foydalanilmoqda. Keyingi yillarda viloyatdagi mehmonxonalar tarmog'i zamon talablariga moslashtirilib, dunyoning TOP-50 taligiga kiruvchi "HILTON" (AQSh), "MOVENPICK" (Fransiya), "WELNESS HOTEL" (Avstriya), "MINIYOUN" (Xitoy) kabi xalqaro mehmonxonalar brendlari jalb etildi.

Umuman, yil davomida umumiy qiymati 459 milliard so'mlik 33 ta investitsiya loyihalari ishga tushirildi va 3150 ta yangi ish o'rinlari yaratildi.

Viloyatimizga xorijiy turistlarni ko'proq jalb etish maqsadida o'tgan yil Malayziya, Indoneziya, Koreya, Yaponiya, Latviya, Polsha, Fransiya, Kanada, Vengriya, Ispaniya, Buyuk Britaniya, Yangi Zelandiya, Xitoy Xalq Respublikasi, Tojikiston, Qirg'iz Respublikasida bo'lib o'tgan xalqaro forum va ko'rgazmalarda ishtirok etib, Samarqandning turizm salohiyati taqdimotlari o'tkazildi. O'z navbatida 90 dan ortiq xorijiy mamlakatlar yirik turizm tashkilotlari vakillari hamda ommaviy axborot vositalari xodimlari uchun viloyatimizga info-turlar uyushtirildi.

(Davomi 2-sahifada) >>>

Mahallalardagi yoshlarning ommaviy sport bilan shug'ullanishlari va "Besh tashabbus olimpiadasi" doirasida o'tkaziladigan musobaqalar uchun viloyatdagi 1126 mahallaga to'rt turdagi sakkiz mingga yaqin sport jihozlari topshirildi.

Shu munosabat bilan tashkil etilgan tadbirda viloyat sport, yoshlar ishlari boshqarmalari mas'ullari so'zga chiqib, "Besh tashabbus olimpiadasi" doirasida 27 yo'nalish bo'yicha o'tkazilgan tanlov va musobaqalarda samarqandlik yoshlar respublikada kuchli o'nlikda ekanini ta'kidladi va yoshlar yetakchilariga Prezident sovg'asi — sport

Mahallalarga Prezident sovg'asi — sport anjomlari topshirildi

jihozlarini tantanali topshirdi. Ushbu sport anjomlari yoshlarning bo'sh vaqtini mazmunli tashkil etish, iqtidorli yoshlarni kashf qilish va ular orasidan chempionlar yetishib chiqishiga xizmat qiladi, — deydi Bulung'ur tumanidagi G'o'bdin mahallasi yoshlar yetakchisi Nodir Muxtorov. — Shu bilan birga, yoshlarni sog'lom turmush tarziga o'rgatish va joriy yilgi "Besh tashabbus olimpiadasi" musobaqalarida faol ishtirok etishga undaydi. O'tgan yil samarqandlik yoshlar 14-30 yosh toifasida o'tkazilgan musobaqa va



tanlovlarda 11 ta oltin, 10 ta kumush, 9 ta bronza medal bilan respublikada yettinchi o'rinni qo'lga kiritgan.

QACHONGACHA YOZDA ISSIQDAN, QISHDA KO'MIRDAN QORAYAMIZ?

Shu kunlarda viloyatdagi qaysi soha vakillari bilan suhbatlashmang, vaqti ziqiligi, yuqoridan ishchi guruh kelgani yoki kelayotganini aytmogda. Tabiiyot, yuqori idora vakillarining quyida olib borilayotgan ishlar bilan rostakamiga tanishishi, kamchiliklarini o'rganishi shu tizimdagi qator muammolarning bartaraf etilishiga xizmat qiladi.

Lekin ayni qish kunlarida ushbu ishchi guruh vakillariga bir iltimosimiz bor edi. Qaysi tizimni olib qaramang, sog'liqni saqlashmi, maktabgacha ta'lim yoki maktabmi — hozir bemorlarning issiq palatalarda va bolalarning issiq xonalarda dars tayyorlashi hammasidan ham ahamiyatli. Xo'sh, gaz yetib bormagan xonadonlarni ijtimoiy soha muassasalari qanday isitilyapti? Agar mutasaddirlarning mikrofon qarshisida "shuncha ko'mir tarqatildi, shuncha aholiga arzonlashtirilgan ko'mir yetkazib berildi", degan so'zlarni ko'mir olayotganlar ehsitsa bormi?! Axir bugun ularning arzidan ko'mir ham tutab ketyapti-ku!

Arzonlashtirilgan ko'mir berilyapti, degan gapni eshitib, o'g'lim bilan kerakli manzilga bordik, — deydi shunday iste'molchilardan biri. — Navbatda turgach, ko'mir oladigan bo'ldim. Qarasam, bir tonna tuproq joylangan (juda katta qismi kukun, demogochi). Iya, deb hayratimni yashirmadim. "Olmasangiz, o'zingiz bilasiz, vaqtimizni olmang", deya haydab yuborishdi, tag'in. Nima bo'lsa bo'ldi, deya yuklangan ko'mirni oldim, ilojim qancha. Axir bir tonna ko'mir uchun 300 ming so'm to'lab qo'ydim-da. Menga shunaqa kukun ko'mir berilganini chiqayotganda, qo'shningim kinoyasidan tushunib qoldim. Haydovchilarga



"dolya"sini bersam, tuzukrog'idan olib chiqishar ekan. Sodda bo'lmay qolay, ketaverdim. Mana, bir oy o'tdi, faqat bittagina uyni isitib (unga qo'shimcha ko'mir sotib olganman, aralashtirib ishlatish uchun) yanvarni amallab o'tkazdik. Buyog'iga bir tonnasini qariyb 2 million so'mga borib qoladigan ko'mir olaman ko'chadan.

Uyda ikki kelinim, o'zimiz chol-kampir, jami o'n kishi yashaymiz, — deydi ko'mir olganlardan yana biri. — Arzonlashtirilgan ko'mir olib, uyimizni isitganimizdan keyin nevaracham qattiq kasal bo'lib qoldi. Allergik shamollash deyishdimi, ishqilib, nima bo'ldi, naqd besh million pulimiz ketdi. Shundan keyin Qozog'istondan keltirilayotgan ko'mirdan, kilosini 1700 so'mdan xarid qildik.

Mas'ullardan ham bir iltimosimiz bor, qishda sovg'atoyotgan va kasal bo'lganlardan pul ishlamaylik, shu "bekat"da korrupsiyani to'xtatib turaylik. Axir yuzimiz qachongacha yozda issiqdan, qishda yarmi tuproq ko'mirdan qorayaveradi?!

Gulruh MO'MINOVA.

Samarqand viloyati hokimining QARORI

Samarqand viloyatida 2025-yilda davlat ko'chmas mulkidan foydalanganlik uchun ijara to'lovining eng kam stavkalarini tasdiqlash to'g'risida

O'zbekiston Respublikasi Vazirlar Mahkamasining 2023-yil 14-dekabrda "Davlat mulkini ijara-ga berish tartibini yanada takomillashtirish to'g'risida"gi 660-son qarori, O'zbekiston Respublikasi Davlat aktivlarini boshqarish agentligining (2024-yil 30-dekabrda 01/23-18/1276-son) hamda O'zbekiston Respublikasi Iqtisodiyot va moliya vazirligining (2024-yil 29-dekabrda 02/29-27269-son) qo'shma xati va O'zbekiston Respublikasi Davlat aktivlarini boshqarish agentligi viloyat hududiy boshqarmasining 2025-yil 4-yanvardagi (18-01/2-1-son) murojaati hamda viloyat hokimining birinchi o'rinbosari kotibiyati mudiri R.Maxqulovning 2025-yil 4-yanvardagi (05/01-30-son) bildirgisi inobatga olib, **QAROR QILAMAN:**

1. Quyidagilar:
Samarqand viloyatida 2025-yilda davlat ko'chmas mulkidan foydalanganlik uchun ijara to'lovining eng kam stavkalari 1-ilovaga;
Sanoat zonalar hududlaridagi davlat ko'chmas mulki obyektlarini 2025-yilda ijara-ga berishda qo'llaniladigan ijara to'lovining eng kam stavkalari 2-ilovaga muvofiq;
Ijara to'lovi stavkalariga qo'llaniladigan koef-fitsiyentlar 3-ilovaga muvofiq;
2. O'zbekiston Respublikasi Davlat aktiv agentligi huzuridagi Davlat mulki obyektlaridan samarali foydalanish markazining viloyat hududiy boshqarmasi (A.Yangiboyev)ga:
davlat mulkini ijara-ga berishni tashkil etish va ijara-ga berish;
ijara-ga berilgan davlat mulki va uni ijara-ga berishdan tushadigan mablag'larni hisobga olish va monitoringini olib borish;
ijara-ga beriladigan davlat mulki bo'yicha ma'lumotlar bazasini shakllantirish;
ijara obyektlaridan maqsadli foydalanilishini va ularning saqlanishini, shuningdek, ijara to'lovining o'z vaqtida va to'liq to'lanishini nazorat qilish;
davlat mulkini ijara-ga berish sohasidagi qonunbuzilish holatlarini aniqlanganda qonun hujjatlarida o'rnatilgan tartibda choralar ko'rish;
foydalanilmayotgan davlat mulki ijara-ga berilishi to'g'risidagi e'lonlarni va ijara-ga berilayotgan davlat mulklari ro'yxatlarini davriy nashrlarda

hamda O'zbekiston Respublikasi Davlat aktivlarini boshqarish agentligi viloyat hududiy boshqarmasining va Savdo-sanoat palatasi viloyat hududiy boshqarmasining veb-saytlarida va ijtimoiy tarmoqlarda sahifalarida joylashtirilishini ta'minlash topshirilsin.
3. O'zbekiston Respublikasi Davlat aktiv agentligi huzuridagi Davlat mulki obyektlaridan samarali foydalanish markazining viloyat hududiy boshqarmasi (A.Yangiboyev), viloyat soliq boshqarmasi (E.Tolliyev), shahar va tuman hokimliklari hududlarda ijara munosabatlarini tartibga solish, ijara-ga berilayotgan davlat mulki hisobotini to'g'ri yuritish va budgetga qo'shimcha mablag'larni jalb qilish maqsadida davlat mulkini balansda saqlovchilar tomonidan ijara-ga berish samaradorligini oshirish va tashkillashtirishda o'zaro hamkorlikni yo'lga qo'yin.
4. Vazirlik va idoralarning viloyat boshqarmalari hamda tizim tashkilotlari balansidagi davlat mulklarini xatolovdan o'tkazsin va bo'sh turgan yoki samarasiz foydalanilayotgan davlat mulklarini ijara-ga berish bo'yicha har chorak yakuni bilan hisobot o'zidan keyingi o'zining 10-sanasigacha Davlat aktiv agentligi huzuridagi Davlat mulki obyektlaridan samarali foydalanish markazining viloyat hududiy boshqarmasiga bu mulkning joylashgan joyi, miqdori, tarkibi va boshqa umumiy tavsiflari ko'rsatilgan ma'lumotlarni taqdim etib borsin.
5. Davlat kadastrlar palatasi viloyat hududiy

boshqarmasi (M.Kuvandikov) har chorak yakuni bilan keyingi o'zining 5-sanasigacha qadar viloyatda mavjud davlat mulki obyektlarining ro'yxatini elektron holatda Davlat aktiv agentligi huzuridagi Davlat mulki obyektlaridan samarali foydalanish markazining viloyat hududiy boshqarmasiga taqdim etib borsin.
6. Viloyat hududida 2025-yilda davlat mulki bo'lgan binolar va xonalarda joylashgan budget tashkilotlari uchun ijara to'lovining "nol" stavkasi belgilansin.
7. Viloyat hokimligi axborot xizmati rahbari – matbuot kotibi (M.Mirzayev) mazkur qarorni "Zarafshon" va "Самаркандский вестник" gazetalarida e'lon qilinishini hamda viloyat hokimligining rasmiy veb-saytiga joylashtirilishini ta'minlasin.
8. Viloyat hokimining 2024-yil 7-fevralda-gi "Samarqand viloyatida 2024-yilda davlat mulkidan foydalanganlik uchun ijara to'lovining eng kam stavkalarini tasdiqlash to'g'risida"gi 33-7-0-Q/24-son qarori o'z kuchini yo'qotgan deb hisoblansin.
9. Mazkur qaror ijrosini nazorat qilish viloyat hokimining birinchi o'rinbosari F.Abilov zimmasiga yuklatilsin.
10. Ushbu qaror rasmiy e'lon qilingan kundan boshlab kuchga kiradi.

Viloyat hokimi v.b.

A. BOBOYEV

2025-yil 29-yanvar

24-7-0-Q/25



Mazkur qarorning ilovalari bilan ushbu QR-kod orqali tanishishingiz mumkin.

Xalq deputatlari viloyat Kengashining QARORI

Nurobod tumanidagi aholi punkti nomini o'zgartirish to'g'risida

O'zbekiston Respublikasining "Geografik obyektlarning nomlari to'g'risida"gi Qonunining 4- va 9-moddalariga muvofiq Geografik obyektlarni nomlash va qayta nomlash masalalari bo'yicha viloyat komissiyasining 2024-yil 21-noyabrda yig'ilishi bayoni hamda O'zbekiston Respublikasi Iqtisodiyot va moliya vazirligi huzuridagi Kadastr agentligining 2024-yil 10-dekabrda (03/08-11821-son) ekspertiza xulosasini inobatga olib, xalq deputatlari viloyat Kengashining yettinchi chaqiriq oltinchi sessiyasi **QAROR QILADI:**

1. Geografik obyektlarni nomlash va qayta nomlash masalalari bo'yicha viloyat komissiyasining 2024-yil 21-noyabrda yig'ilishi bayoni hamda O'zbekiston Respublikasi Iqtisodiyot va moliya vazirligi huzuridagi Kadastr agentligining (03/08-11821-son) ekspertiza xulosasi ma'lumot uchun qabul qilinsin.
2. Nurobod tumanidagi aholi punkti nomini o'zgartirish to'g'risidagi taklif ilovaga muvofiq ma'qullansin.
3. O'zbekiston mahallalari uyushmasi viloyat boshqarmasi (Sh.Yuldashov), viloyat statistika boshqarmasi (Sh.Abdiyev), Davlat kadastrlari palatasi viloyat boshqarmasi (M.Quvondiqov), Nurobod tumani hokimligi (S.Berdiqulov) mazkur qaror ilovasida ko'rsatilgan aholi punkti nomini belgilangan tartibda statistik hisobotlarda aks ettirilishini va ish yuritish hujjatlariga o'zgartirishlar kiritilishini ta'minlasin.
4. Viloyat ichki ishlar boshqarmasi (R.Mamatov), Nurobod tumani hokimligi (S.Berdiqulov) o'zgartirilgan aholi punktiga aholini ro'yxatga qo'yish hamda tegishli yo'l belgilarini o'zgartirish bilan bog'liq tashkiliy ishlarni amalga oshirsin.
5. Davlat kadastrlari palatasi viloyat boshqarmasi (M.Quvondiqov) Nurobod tumani hokimligi (S.Berdiqulov) bilan birgalikda o'zgartirilgan aholi punktiga belgilangan tartibda zamonaviy

talablar asosida peshlavha va ko'rsatkich belgilarining o'rnatilishini ta'minlasin.
6. Viloyat hokimligi axborot xizmati rahbari – matbuot kotibi (M.Mirzayev), viloyat hokimligi huzuridagi "Axborot-kommunikatsiya texnologiyalarini rivojlantirish markazi" MChJ (N.Norbekov) mazkur qarorni "Zarafshon", "Самаркандский вестник", "Овози Самарқанд" gazetalarida chop etilishini hamda Lex.uz – O'zbekiston Respublikasi Qonun hujjatlari ma'lumotlari milliy bazasiga va viloyat hokimligining rasmiy veb-saytiga o'rnatilgan tartibda joylashtirilishini ta'minlasin.
7. Viloyat hokimining ma'naviy-ma'rifiy ishlar samaradorligini oshirish, "Davlat tili haqida"gi Qonun hujjatlariga rioya etilishini ta'minlash masalalari bo'yicha maslahatchisi (Sh.Temirov) mazkur aholi punktlari nomlarini **10 kun muddatda** davlat reestri bazasiga kiritish choralari ni ko'rsin.
8. Mazkur qaror bajarilishini nazorat qilish xalq deputatlari viloyat Kengashining Korruptsiyaga qarshi kurashish va xavfsizlik masalalari bo'yicha doimiy komissiya (Sh.Djurakulov) va viloyat hokimining ma'naviy-ma'rifiy ishlar samaradorligini oshirish, "Davlat tili haqida"gi Qonun hujjatlariga rioya etilishini ta'minlash masalalari bo'yicha maslahatchisi (Sh.Temirov) zimmasiga yuklansin.

Kengash raisi

Sh.NEGMATOV

2025-yil 29-yanvar

VII-6-9-7-0-K/25

Xalq deputatlari viloyat Kengashining 2025-yil 29-yanvardagi VII-6-9-7-0-K/25 -sonli qaroriga
ILOVA

Nurobod tumanidagi aholi punkti nomini o'zgartirish to'g'risida

T/r	Geografik obyektning joylashgan o'rnini (MFY)	Geografik obyektning amaldagi nomi	Geografik obyektning o'zgarayotgan nomi	Respublika ekspertiza komissiyasi xulosasi
1.	"Oltinsoy" MFY	Uzku	Keskanjar	Qonun hujjatlariga talablariga muvofiq

Strategik fikrlab, demokratik boshqarish zarur

Mamlakatimiz davlat fuqarolik xizmatida davlat xizmatchilarining kasbiy kompetentligi ular faoliyatining barcha yo'nalishlarida namoyon bo'ladi. Shuning uchun davlat xizmatchilarining kasbiy kompetentligini oshirishning mexanizmlarini shakllantirishni davrning o'zi taqozo etmoqda. Chunki boshqaruv kadrlari tashkilotni boshqaribgina qolmay, jamiyatga xizmat qilishi, xalqimizga ko'rsatilayotgan xizmatlarning ijtimoiy va iqtisodiy samarasini oshirishi kerak. Buning uchun boshqaruv kadrlari strategik uslubda fikrlashni, demokratik uslubda boshqarishni hamda jamiyat manfaatlarining ustunligini ta'minlashni o'zining ustuvor vazifasi, deb bilishi lozim.

Bu borada viloyatdagi tuman (shahar) hokimlarining o'rinbosarlari, tashkiliy kadrlar guruhi rahbarlari hamda milliy kadrlar zaxirasiga kiritilgan nomzodlar uchun tizimli ravishda o'quv-amaliy seminarlar tashkil etilmoqda. Mazkur o'quvlar-da asosiy e'tibor mahalliy davlat boshqaruvi va aholi bilan ishlashni samarali tashkil etishda talab etiladigan bilim va ko'nikmalarni rivojlantirish, xalq bilan muloqotda rahbarlar va davlat fuqarolik xizmatchilari vazminlik va ilm-ma'rifati bilan muammolarni yechishga e'tibor qaratilmoqda.

Bugun davlat boshqaruvi-ga davlat xizmatchilari meritorokratiya tamoyiliga asoslangan holda belgilangan tartibda tanlab olinmoqda. Meritorokratiya (munosiblar hokimiyati) boshqaruv prinsipi-da

qobiliyatli va intellektual rivojlangan insonlarning ijtimoiy kelib chiqishi, qarindoshlik va moliyaviy holati, jinsi, irqi yoki yoshidan qat'iy nazar yetakchilik mavqeini egallaydi. Ushbu prinsip asosan nomzodning kompetentligiga asoslanadi.

Ko'plab olimlar meritorokratiya kelajakda davlat va jamiyatni boshqarishning yorqin namunasi ekanligiga ishonmoqda. Zero, qobiliyatli insonlar yaxshi natijalarga erishishi mumkin va shunga muvofiq fuqarolarning ijtimoiy farovonligi ham oshadi. Demak, meritorokratiya inson uchun ham, jamiyat uchun ham eng yaxshi natijalarga erishishda adolatli tizim sifatida taklif etilmoqda.

Keyingi besh yilda viloyatdagi oliy ta'lim muassasalaridan iqtidorli va rahbarlik qobiliyatiga ega bitiruvchi yoshlar saralab olinib, viloyat

hokimligining istiqbolli kadrlar zaxirasi shakllantirib kelinmoqda. O'tgan davr mobaynida 2356 nafar, jumladan, tuman va shaharlardan 2138 nafar, boshqa viloyatlardan 170 nafar hamda Samarqand shahridagi Prezident maktablaridan 48 nafar saralab olingan yoshlarning mutaxassisligi va qiziqishlariga ko'ra ish bilan ta'minlanishi, muntazam malaka oshirib borish hokimliklar tomonidan nazoratga olingan.

Bu ishlarning mantiqiy davomi sifatida "Oila - maktabgacha ta'lim - maktab - oliy ta'lim - korxonalar, tashkilot, muassasa" tizimini ishlab chiqish va amaliyotga joriy qilinishi maqsad qilganmiz. Chunki har tomonlama munosib, istiqbolli zaxira kadrlar bilan ishlash tizimini yo'lga qo'ymasdan turib viloyat aholisining farovonlik darajasini oshirib bo'lmaydi.

Shu nuqta nazardan barqarorlik, ijtimoiy-iqtisodiy farovonlik, aholining munosib hayot kechirishi davlat xizmatchilarining ma'naviy yetukligi hamda kasbiy kompetentligini oshirib borishni davr o'zi taqozo etmoqda.

Kompetentlik – shaxsning muayyan ta'lim yo'nalishi yoki mutaxassisligi bo'yicha olgan bilim, malaka va ko'nikmalari hamda shakllangan shaxsiy xislatlarini mehnat faoliyatida muvaffaqiyatli

qo'llay olish qobiliyatini hisoblanadi. Bundan tashqari, davlat fuqarolik xizmatida davlat xizmatchilarining "Halollik vaksinasi" bilan emlanganligi ham muhim ahamiyatga ega.

Buning uchun davlat xizmatchilaridan faoliyati davomida professional, nazariy va amaliy bilimlarini uzluksiz oshirib borishi, ilg'or tajribalarni o'rganishi, vazifalarga vijdonan yondashishi, sog'lom fikrlashi, kasbiy malaka va ma'naviy-axloqiy fazilatlariga, o'z nuqtai-nazariga ega bo'lishi talab etiladi. Shuningdek, ularning aholi bilan muloqot qilish madaniyatiga ega bo'lishi, boshqalarni orqasidan ergashtira olishi, o'zining va xodimlarining salomatligi uchun qayg'urishi, qo'l ostidagilarga g'amxo'rlik qilishi va ularni ruhlantira olishi, namunali ish olib borayotganlarni rag'batlantirib borishi ham muhim ahamiyatga ega.

Xulosa qilib aytgandak, har bir rahbar o'z ustida tizimli va tinimsiz ishlash, ilm va ma'rifatni targ'ib qilishi bilan ibrat bo'lsagina, jamoa ham unga ergashadi. O'z navbatida, jamoalarning ishlashiga qarab, xalqimiz bugungi islohotlarning samarasini his qiladi. Islohotlarning natija berishi esa, fuqarolarning daxldorligini oshiradi.

Behzod RAXMATULLAYEV,
viloyat hokimligi tashkiliy-kadrlar guruhi rahbari.

2025-yil Samarqand turizmi uchun yangi davr bo'ladi

(Davomi. Boshlanishi 1-sahifada).

Bu yil Samarqandga 2,55 million nafar xorijiy sayyohni jalb etish va turizm xizmatlari eksporti 550 million AQSh dollaridan oshirish rejalashtirilgan, shunga yarasha dastur va loyihalar tayyorlangan. Xususan, investitsiya dasturi doirasida qiymati 2 trilyon 63 milliard so'mlik 30 ta loyiha amalga oshiriladi. Loyihalarning 10 tasi (868 milliard so'mlik) yangi mehmonxonalar tashkil etish bilan bog'liq bo'lsa, 15 tasi umumiy ovqatlanish va dam olish maskanlari, 3 tasi savdo va ko'ngilochar maskanlar, 2 tasi sanatoriy va sog'lomlashtirish markazidan iborat.

Konigil va Tersak mahallalari tajribasi asosida tumanlardagi 14 ta hududga "turizm qishlog'i" maqomini berish rejalashtirilgan. Bu mahallalarda 309 ta mehmon uyi, xostel, kemping, o'tov nuqtalari, 138 ta ovqatlanish maskani, 60 ta savdo nuqtalari, zamonaviy turistik xizmatlar (havo sharlari, paraplan, osma dor yo'li va boshqalar) yaratiladi. Natijada 1520 ta yangi ish o'rnini yaratilib, 13,2 milliard so'm qo'shimcha soliq tushumi ta'minlanadi.

Misol uchun, Urgutning Chor chinor va Omon-qo'ton, Nurobodning Oqsoy va Nurbuloq mahallalarida sayyohlikning turli yo'nalishlarini rivojlantirish imkoniyatlari bor. Hozirgi kunda bu mahallalarda 50 dan ortiq



uy-mehmonxonalar tashkil etilgan, mavsumda 60 mingdan ortiq turist tashrif buyuradi.

Xorijlik sayyohlarni Samarqandga ko'proq jalb etishga har bir xalqning o'ziga xos qadriyatlarini, turmush tarzidan kelib chiqib yondoshilmoqda. Masalan, tog'li hududlardagi termal buloqlar negizida Yaponiya tajribasi asosida termal turizmini jadal rivojlantirish va yaponiyalik turistlarni jalb qilishni mo'ljallayapmiz. Xi-toylik sayyohlar sonini oshirish maqsadida fevral oyida Samarqandda "Xitoy Yangi yil bayrami" tashkil etiladi, O'zbekiston-Indoneziya turoperatorlari ishtirokida turistik forum o'tkaziladi.

Bundan tashqari, Samarqand shahrida "Navro'z Gastro", "Kabob festivali", "Ipak yo'li bozori", Bulung'ur tumanida "Pomidor sayli", Kattaqo'rg'on tumanida "Sharq shirinliklari", Qo'shrabot tumanida "Qo'shrabot navosi" kabi xalqaro festivallar o'tkazilishi rejalashtirilgan.

Davlatimiz rahbarining 2024-yil 29-noyabrda "Samarqand viloyatida investitsiya va tadbirkorlik muhitini yanada rivojlantirish hamda aholi turmush darajasini yaxshilash chora-tadbirlari to'g'risida"gi qarorida ham hududda turizmni rivojlantirish bilan bog'liq bir qator vazifalar belgilangan.

Jumladan, viloyatdagi suv inshootlari va ular atrofidan samarali foydalanish maqsadida Urgut, Toyloq, Samarqand, Past Darg'om tumanlari va Samarqand shahri hududidan o'tgan Darg'om kanali bo'yida 35,7 kilometr masofada ko'ngilochar savdo va xizmat ko'rsatish obyektlaridan iborat turistik marshrut tashkil etiladi.

Kanallarda ko'p funksiyali ko'priklar qurilib, bu obyektlardan xorijdagi singari savdo va ko'ngilochar maskanlar sifatida foydalaniladi. Joriy yilda Narpay kanalining Kattaqo'rg'on shahri hududidan o'tgan qismida tashabbuskor investor mablag'lari hisobidan gastronomik ko'priklar majmuasini qurish rejalashtirilgan. Gastronomik ko'priklar tunu kun faoliyat ko'rsatadi

va unda yengil konstruksiyali savdo va maishiy xizmat ko'rsatish obyektlari tashkil etiladi.

2025-2026-yillarda Urgut tumanining Chor chinor tog'li hududida qiymati 25 million dollar bo'lgan zamonaviy dor yo'li va turizm majmuasi quriladi.

Bulardan tashqari, joriy yilda viloyatda turizm sohasini rivojlantirishga qaratilgan yana o'nlab loyihalar, tadbirlar rejalashtirilganligi, ularning barchasi Samarqandning yirik turizm markazlaridan biriga aylanishini ta'minlaydi. Misol uchun, ayni paytda yangidan bunyod etilayotgan va joriy yilda ochilishi kutilayotgan Imom Buxoriy majmuasi faoliyat boshlashi bilan Samarqandda ziyorat turizmi imkoniyatlari yana ham kengayadi. Yoki shu yilning oktabr-noyabr oylarida ilk bor Parijdan boshqa shaharda, ya'ni Samarqandda YUNESKO Bosh assambleyasining 43-sessiyasi o'tkazilishi ham qadimiy va hamisha navqiron kentga sayyohlar oqimini oshirishi tabiiy. Birgina ushbu sessiyada dunyoning yuzdan ortiq davlatidan 6000 dan ko'proq ishtirokchi kelishi kutilmoqda.

Shu va boshqa omillar 2025-yil Samarqand turizmi uchun yangi taraqqiyot davrining boshlanishi bo'lib tarixga kirishidan dalolat berib turibdi.

Rustam QOBILOV,
viloyat hokimi o'rinbosari.

Samarqand davlat veterinariya meditsinasi, chorvachilik va biotexnologiyalar universiteti huzuridagi kadrlarni qayta tayyorlash va ularning malakasini oshirish markazi negizida veterinariya va chorvachilik sohasida pedagog hamda mutaxassis kadrlarni qayta tayyorlash va ularning malakasini oshirish instituti tashkil etildi.

Prezidentimizning 2024-yil 4-dekabrda "Qishloq xo'jaligi hamda veterinariya va chorvachilik sohalari kadrlarining malakasini oshirish va qayta tayyorlash tizimini takomillashtirish chora-tadbirlari to'g'risida"gi qaroriga asosan o'chirilgan mazkur institutda 2025-yildan boshlab veterinariya va chorvachilik sohasida faoliyat olib borayotgan ilmiy-tadqiqot muassasalari

Veterinariya va chorvachilik sohasida malaka oshirish instituti ochildi

rahbar va ilmiy xodimlari hamda ushbu sohada faoliyat yuritayotgan professional ta'lim muassasalari pedagog xodimlari uchun malaka oshirish kurslari tashkil etiladi.

Dars mashg'ulotlariga nufuzli xorijiy oliy ta'lim muassasalarining malakali, tajribali professor-o'qituvchilari, yetuk mutaxassis va maslahatchilari jalb etiladi. Shu vaqtgacha faoliyat ko'rsatib kelgan markazlarda yiliga 800 nafarga yaqin pedagog va mutaxassislar malaka oshirish kurslarida qatnashgan bo'lsa, endilikda bu ko'rsatkich ikki barobarga oshiriladi.

Bugun jahon hamjamiyatini qiynab kelayotgan eng katta muammolardan biri, shubhasiz, oziq-ovqat muammosi. Xalqimiz dasturxonini chorvachilikdan olinadigan mahsulotlar bilan to'ldirib borishda ushbu soha vakillarining o'rni beqiyos. Shu nuqta nazardan, ushbu sohada kasbiy faoliyatini davom ettirayotgan barcha mutaxassislarning malakasini uzluksiz ravishda oshirib borish bugungi kunda birinchi galdagi vazifa hisoblanadi.

R.PARDAYEV,
instituti direktori.

Ali ABDULQOSIMOV

Nafaqat O'zbekistonda, hatto MDH mamlakatlarida tanilgan olim, antropogen landshaftshunoslik ilmiy maktabi asoschisi, geografiya fanlari doktori, professor Ali Abdulqosimov 91 yoshida vafot etdi.

A.Abdulqosimov 1934-yilda Chelak shahrida tavallud topgandi. 1959-yildan Samarqand davlat universitetida o'qituvchi, kafedra mudiri va fakultet dekani kabi vazifalarda ishladi.

Olim universitetda "Antropogen landshaftshunoslik" ilmiy maktabini yaratdi. Ilmiy-pedagogik faoliyati davomida 20 dan ortiq darslik va o'quv qo'llanmalar, 500 dan ortiq ilmiy maqola va tezislari muallifi bo'ldi. 10 dan ortiq fan doktori va nomzodlik dissertatsiyalariga ilmiy rahbarlik qildi.

Ustoz antropogen landshaft komplekslari doirasida vujudga kelgan geoeologik vaziyatlarning inson salomatligiga ko'rsatayotgan ta'siri oqibatida turli xil kasalliklarning antropagen o'choqlaridan kelib chiqayotganini asoslab berdi. Olimning ilmiy izlanishlarida kompleks geografik tadqiqotlarga landshaft ekologik yondashish, tabiiy landshaftlarni muhofaza qilish bilan birga voha landshaftlarini ham muhofaza qilish, atrof-muhitni toza saqlash masalalari keng o'rin olgan.

Bugun umumiy o'rta ta'lim maktablarining 7-sinf o'quvchilari professor A.Abdulqosimov tomonidan yozilgan «Materiklar va okeanlar tabiiy geografiyasi» darsligidan foydalanib kelmoqda. Bu darslik hozirda o'zbek, rus, tojik, qoraqolpoq, qozoq, turkman, qirg'iz tillarida chop etilgan.



Domla 1995-2000-yillarda Yevropa ittifoqining "TACIS-TEMPUS" dasturi "URBALAYF" loyihasining O'zbekistondagi koordinatori vazifasini bajardi. Bu davrda universitetning 10 dan ortiq professor-o'qituvchilari Italiya, Belgiya, Fransiya, Ispaniya davlatlarida geografiya, shaharsozlik, demografiya bo'yicha ilmiy safarlarda bo'ldi. Ustoz rahbarligida universitetda o'sha davrdagi eng ilg'or kompyuterlar bilan jihozlangan "URBALAYF" laboratoriyasi tashkil etildi.

Sharof Rashidov nomidagi Samarqand davlat universiteti geografiya va ekologiya fakulteti geografiya va tabiiy resurslar kafedrasida professori bo'lib ishlab kelayotgan A.Abdulqosimov "Elyurt hurmati" ordeni sohibi edi.

Fidoyi olim, mehribon ustoz Ali Abdulqosimovning xotirasi hamkasblari, do'stlari va shogirdlari qalbidan saqlanadi.

Sharof Rashidov
nomidagi Samarqand davlat universiteti jamoasi.

Joylarda aholi o'rtasida tibbiy ko'rik o'tkazilishi aslida majburiy. Ammo professor-o'qituvchilarning bunday ko'rik va targ'ibotlarda qatnashishi aholiga salomatlik, mahalliy shifokorlarga tajriba nuqtai nazaridan asqotadi.

Samarqand davlat tibbiyot universiteti stomatologiya fakulteti dekani, tibbiyot fanlari doktori A.Ahmedov hamda ortopedik stomatologiya kafedrasida professor-o'qituvchilari bilan hamkorlikda Kattaqo'rg'on tumanida o'tkazilgan ko'rik va targ'ibot ishlari ham xuddi shunday maqsadga xizmat qiladi.



Tumandagi 54-umumta'lim maktabi hamda bir qator mahallalarda o'tkazilgan uchrashuvlarda to'g'ri ovqatlanish, jismoniy faollik, kun tartibini to'g'ri tashkillashtirish kabi masalalar yuzasida suhbatlar olib borildi. Kasalliklar profilaktikasi, zararli odatlardan voz kechish bo'yicha zamonaviy targ'ibot usullari – fleshmob, aksiya, tanlovlardan foydalanish bo'yicha takliflar, tavsiyalar bildirildi.

Marjona KUNUZOQOVA.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAT UCHUN TELEFON: 66-233-91-56

SAMARQAND VILOYATI AHOLISI VA MEHMONLARI DIQQATIGA!

Hozirgi kunda Samarqand viloyati hududiga tegishli ruxsatnomasiz va sertifikatlasiz olib kirilgan hamda sotuvda bo'lgan va ishlatilayotgan radioelektron vositalar, jumladan, mobil aloqa tayanch baza stansiyalarining faoliyati uchun radioalaqatlar keltirib chiqaruvchi va mobil aloqa xizmatlari sifatiga salbiy ta'sir ko'rsatuvchi uskunalari (repeater)lar ko'payib ketganligini inobatga olgan holda, Samarqand viloyati Elektromagnit moslashuv xizmati o'gohlantiradi:

Mobil kuchaytirgich (repeater)lar O'zbekiston Respublikasi Radiochastotalar bo'yicha Respublika Kengashining 2022-yil 23-avgustdagi 707-sonli qarorining 1-bandida keltirilgan texnik shartlar talablariga mos ravishda o'rnatilgan bo'lishi va boshqa turdagi radioelektron vosita (REV)larga radioalaqatlar bermasligi kerak. Mazkur qarorning 1-bandida keltirilgan texnik shartlarga mos kelmaydigan boshqa mobil aloqa tarmoqlari signallarini kuchaytirib beruvchi retranslyator qurilmalarini O'zbekiston Respublikasi hududida ishlab chiqish (yaratish), modernizatsiya qilish, ishlab chiqarish va xorijdan olib kirish (xorijdan xarid qilish) hamda ulardan foydalanish qat'iy man etiladi.

Mazkur qarorning 1-bandida keltirilgan texnik shartlarni bajarish hamda mobil aloqa tarmoqlariga xalaqitli ta'sirlar keltirmaslik talablariga majburiy rioya qilgan holda mobil aloqa tarmoqlari signallarini kuchaytirib beruvchi retranslyator qurilmalarini O'zbekiston Respublikasi hududida ishlab chiqarish, modernizatsiya qilish va o'rnatish bo'yicha ishlarni bajarishga (shu jumladan, ularga xizmatlar ko'rsatishga) faqat faoliyat turi bo'yicha tegishli litsenziyaga ega bo'lgan yoki mobil aloqa operatorlari nomidan shartnoma asosida ish yurituvchi yuridik shaxslarga ruxsat etilishi;

O'zbekiston Respublikasi hududiga mazkur qarorning 1-bandida keltirilgan texnik shartlarga mos keladigan retranslyator qurilmalarini xorijdan olib kirish, radiochastota organlarining o'rnatilgan tartibda rasmiylashtirilgan olib kirish ruxsatnomasiga asosan amalga oshirilishi;

Retranslyator qurilmalaridan foydalanuvchilar o'zlar tomonidan foydalanilayotgan qurilmalardan mobil aloqa operatorlari tarmoqlariga radioalaqat hosil bo'lishining oldini olish uchun barcha zarur bo'lgan tashkiliy-texnik choralarini ko'rishlari kerakligi;

Mazkur qarorning 1-bandida keltirilgan texnik shartlar-

ga mos kelmaydigan boshqa mobil aloqa tarmoqlari signallarini kuchaytirib beruvchi retranslyator qurilmalarini O'zbekiston Respublikasi hududida ishlab chiqish (yaratish), modernizatsiya qilish, ishlab chiqarish va xorijdan olib kirish (xorijdan xarid qilish) hamda ulardan foydalanish qat'iy man qilinishi ko'rsatilib o'tilgan.

Viloyat hududiga ruxsatnomasiz va sertifikatlasiz olib kirilgan hamda sotuvda bo'lgan va ishlatilayotgan, mobil aloqa tayanch baza stansiyalarining faoliyati uchun radioalaqatlar keltirib chiqaruvchi va mobil aloqa xizmatlari sifatiga salbiy ta'sir ko'rsatuvchi uskunalari (repeater)lar o'rnatilgan tartibda musodara qilinadi va ularni olib kirishni amalga oshirgan shaxslarga nisbatan ma'muriy javobgarlik choralari ko'riladi.

O'zbekiston Respublikasi Raqamli texnologiyalar vazirligi "Elektromagnit moslashuv markazi" davlat unitar korxonasi ("EMMM" DUK), Samarqand viloyati Elektromagnit moslashuv xizmati turli diapazonlardagi radioaloqa vositalariga, televideniya va radioeshittirish (TV va RE) dasturlarini qabul qilishga ta'sir etuvchi radioalaqatlar bartaraf etish uchun jismoniy va yuridik shaxslardan buyurtmalarini qabul qiladi.

Radioalaqatlar bartaraf etish ishlari O'zbekiston Respublikasining "Radiochastota spektri to'g'risida"gi Qonuni asosida amalga oshiriladi.

O'zbekiston Respublikasining amaldagi qonun hujjatlariga muvofiq, O'zbekiston Respublikasi Raqamli texnologiyalar vazirligi "Elektromagnit moslashuv markazi" DUK Samarqand viloyati Elektromagnit moslashuv xizmati o'gohlantiradi:

Respublika hududiga ruxsatnomasiz va sertifikatlasiz olib kirilgan hamda sotuvda bo'lgan va ishlatilayotgan radioelektron vositalari (uzoq masofali radiouzatkichlar, portativ radiostansiyalar va boshqa radiouzatkich vositalari) o'rnatilgan tartibda musodara qilinadi va ularni olib kirishni amalga oshirgan shaxslarga nisbatan ma'muriy javobgarlik choralari ko'riladi.

Radioelektron vositalarni respublika hududiga olib kirish uchun ruxsatnoma olishni va o'rnatilgan tartibda ro'yxatdan o'tkazishni rasmiylashtirish masalalari bo'yicha Samarqand viloyati Elektromagnit moslashuv xizmatiga murojaat qilishingiz mumkin.

Manzil: Samarqand tumani, "Yoshlik" MFY. Telefonlar: 66-616-43-45, 66-616-44-15.

SAMARQAND VILOYATI ELEKTROMAGNIT MOSLASHUV XIZMATI.

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Yusupova Dil-sura Hasanovna notarial idorasida marhum Nabiye Rustam Murodovichga (2019-yil 31-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Nabiyeva Klavdiya Andreyevnaga (2021-yil 11-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Nabiye Murodga (2021-yil 9-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Bayramov Nadirga (2016-yil 23-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Payariq tumanida xususiy amaliyot bilan shug'ullanuvchi notarius Toshmirov Alisher Po'latovich notarial idorasida marhum Mamatmuradov Boynazar Xurazovichga (2020-yil 15-oktabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Toshmirov Alisher Po'latovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Obod ko'chasi, 3-uy, 35-xona.

Samarqand shahrida xususiy amaliyot bilan shug'ullanuvchi notarius Bahromova Feruza Zoirovna notarial idorasida marhum Djurayev Baxodir Axrorovichga (2022-yil

MEN SIZLARDAN SHIFO TOPDIM!

Bemorni dori emas, yaxshi so'z davolaydi deydi xalqimiz. Buni men o'z hayotimda ham boshimdan o'tkazdim. Viloyat endokrinologiya shifoxonasiga o'ta tushkin kayfiyatda kelgan edim. Negaki, mana besh yildan buyon qand kasalligi qiynab keladi. Eng yomon, bu kasallikdan butkul sog'ayib ketishi mumkin emas, deb o'ylab, tushkunlikka ham tushib qolgandim.

Shifoxonada yotganidan so'ng birinchi navbatda shifokor va hamshiralarning shirin so'zligi ko'nglimni ko'targan bo'lsa, shifokorlar qand kasali men o'ylagandek bedavo dard emasligi, to'g'ri davolanish va to'g'ri ovqatlanish orqali uzoq yashash mumkinligini tushuntirib berishdi. Bu so'zlar meni tezroq davolanishimga sabab bo'lmoqda. Shifoxonada meni eng so'ngi tibbiy asbob-uskunalar yordamida to'liq tekshiruvdan o'tkazishdi va davolashdi. Hozir ahvolum yaxshi. Hatto bu yerda qand kasalligi bilan birga turdosh kasalliklardan ham forig' bo'lmoqdam.

Menga va barcha bemorlar dardiga shifo topishda, nafaqat dori darmon balki, shirin so'zi, beminnat xizmatlari bilan yordam berayotgan shifokorlarni, ayniqsa, davolovchi shifokorlar Mehribon Amriddinova, A'zam Hamzayev, Mahbuba Karimova, Avaz Qodirov hamda katta hamshira Dilfuza Xudoyberdiyeva, hamshiralari Umida Boltayeva, Nargiza Ne'matjonovlarga chin yurakdan minnatdorlik bildiraman.

G'ulom URALOV, faxriy jurnalist.

18-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirovna notarial idorasiga murojaat etishlarini so'raymiz.

Manzil: Samarqand shahri Gagarin ko'chasi, 121-uy.

Samarqand shahrida xususiy amaliyot bilan shug'ullanuvchi notarius Aminov Mashhurjon Yusufovich notarial idorasida marhum Narzillayev Najmidin Asadovichga (2023-yil 12-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aminov Mashhurjon Yusufovich notarial idorasiga murojaat etishlarini so'raymiz.

Manzil: Samarqand shahri Sug'diyona maskani, 14/12-uy.

Samarqand shahrida xususiy amaliyot bilan shug'ullanuvchi notarius Qo'shatov Akbar Rustamovich notarial idorasida marhum Xodjayev Djamolga (2022-yil 31-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qo'shatov Akbar Rustamovich notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 67-"J" uy.

Samarqand shahrida xususiy amaliyot bilan shug'ullanuvchi notarius Qo'shatov Akbar Rustamovich notarial idorasida marhum Soliyeva Ra'no Soliyevnaga (2022-yil 23-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qo'shatov Akbar Rustamovich notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 67-"J" uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Savva Sergey Konstantinovichga (2014-yil 4-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Amir Temur ko'chasi, 158-uy.

Narpay tumanida xususiy amaliyot bilan shug'ullanuvchi notarius Qurbonov Azizjon Ro'ziyevich notarial idorasida marhum Achilov Xalilga (2020-yil 31-yanvarda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Qurbonov Azizjon Ro'ziyevich notarial idorasiga murojaat etishlarini so'raymiz.

Manzil: Narpay tumani Oqtosh shahri, Imom Buxoriy ko'chasi.

TOPGANGA MUKOFOT

Fuqaro Vahobov Karimjon Vafuqol o'g'li nomiga 2018-yil 30-avgustda berilgan AF 0069637 raqamli haydovchilik guvohnomasi Urgut tumani hududida tushurib qoldirilgan. Ushbu haydovchilik guvohnomasini topganlardan mukofot evaziga qaytarishlarini so'raymiz.

Telefon: +99899-590-63-77.

Fuqaro Musurmonov Sobitjon Sodiq o'g'li nomiga 2023-yil 24-yanvarda berilgan AG 0446003 raqamli haydovchilik guvohnomasi Urgut tumani hududida tushurib qoldirilgan. Ushbu haydovchilik guvohnomasini topganlardan mukofot evaziga qaytarishlarini so'raymiz.

Telefon: +99894-991-95-96.

2025-yil – Atruf-muhitni asrash va yashil iqtisodiyot yili



MAS'ULIYAT OLMAGAN MAS'ULLAR

Yoxud madaniy meros obyektlari muhofazasi qog'ozda bo'lmasligi kerak

Vazirlar Mahkamasining 2019-yil 30-martdagi "Moddiy madaniy meros obyektlarini muhofaza qilish va ulardan foydalanishga oid ayrim normativ-huquqiy hujjatlarni tasdiqlash to'g'risida"gi qaroriga ko'ra, moddiy madaniy meros obyektlarini himoya qilish, o'z holicha saqlash va kelajak avlodga yetkazish maqsadida jamoatchi inspektorlar faoliyati yo'lga qo'yilgan.

"Moddiy madaniy meros obyektlarini muhofaza qilish bo'yicha jamoatchi inspektorlar faoliyatini tashkil etish to'g'risida"gi nizomga muvofiq, 18 yoshga to'lgan faol fuqarolar ixtiyoriylik va tanlov asosida mahalla fuqarolar yig'inlari kengashining qarori bilan jamoatchi inspektor etib tasdiqlanadi. Bir nafar jamoatchi inspektorning, qoida tariqasida 2 tadan ortiq moddiy madaniy meros ko'chmas mulk obyektiga birlashtirilishiga yo'l qo'yilmaydi, bitta moddiy madaniy meros ko'chmas mulk obyektiga uch nafargacha inspektor birlashtirilishi mumkin. Departament jamoatchi inspektorlar faoliyatiga uslubiy rahbar bo'ladi va inspektor o'z faoliyatini ixtiyoriy ravishda yuritib, qonun hujjatlariga amal qiladi.

- Moddiy madaniy meros obyektlarini muhofaza qilish va ulardan foydalanish to'g'risidagi qonun hujjatlari talablari buzilishining oldini olish hamda aniqlangan qonunbuzilish holatlari haqida tegishli davlat idoralari-ga xabar berish jamoatchi inspektorning asosiy vazifasi, - deydi viloyat madaniy meros boshqarmasi boshlig'i o'rinbosari Ziyodulla Nasimov. Samarqandda 1607 ta moddiy madaniy meros obyekti ro'yxatga olingan bo'lib, respublika ahamiyatidagi 973 ta arxeologiya yodgorligi-ga jamoatchi inspektor birlashtirilishi belgilangan. Shu paytgacha 502 ta obyektaga jamoatchi inspektor tayinlangan.

Ushbu faoliyat tashkil etilganiga besh yildan oshyapti. Lekin haligacha madaniy meros obyektlariga jamoatchi inspektorlar to'liq birlashtirilmagan va ishlayotgan inspektorlar orasida nomiga-gina faoliyat yuritayotganlari yo'q emas.

- Tarix fani o'qituvchisidan, shu bilan birga to'rt yildan buyon tumandagi madaniy meros obyektlarida bosh jamoatchi inspektor bo'lib ishlayman, - deydi nurobodlik Ilhom Botirov. Tumanimizda ro'yxatga olingan 52 ta moddiy madaniy meros obyektiga 40 nafardan ziyod jamoatchi inspektor birlashtirilgan. Yasharib nima qildim, xodimlar moddiy rag'batlantirilmagan uchun aksariyati ishga mas'uliyat bilan yondashmaydi, ayrimlari bu ishni tashlab ham ketyapti. Natijada arxeologik yodgorliklarda noqonuniy qazishma ishlari ko'p uchramoqda. Buning ustiga jamoatchi inspektorlarning ko'pchiligi bu sohani tushunmaydigan fuqarolar.

Nizom bo'yicha jamoatchi inspektor tomonidan ma'muriy huquqbuzarlik aniqlanganda, unga ma'muriy huquqbuzarlik to'g'risidagi bayonnoma yoki sud hujjatiga asosan eng kam oylik ish haqining 1 baravari miqdorida, jinoyat aniqlansa, qonunga muvofiq jinoyat ishini qo'zg'atish to'g'risidagi qarorga asosan eng kam oylik ish haqining 3 baravari miqdorida pul mukofoti berish ko'rsatilgan. Ammo jamoatchi inspektorlarga shtat berish, mehnat daftrachasini yuritish, boshqa turdagi qo'shimcha rag'batlantirish yoki javobgarlik bo'yicha hech narsa belgilanmagan.

Bu madaniy meros obyektlari muhofazasi uchun inspektorlar yetishmasligi va birlashtirilgan jamoatchi inspektorlarning o'z vazifasini vijdonan, mas'uliyat bilan bajarmayotganining asosiy sababidir. "Mushuk ham tekinga oftobga chiqmaydi" deganlaridek, manfaat bo'lmasa, hech kim o'z ishiga mas'uliyat bilan yondashmaydi. Shu bois moddiy madaniy meros obyektlarini asrab-avaylash, yodgorliklarga ziyon yetishining oldini olish hamda qonunbuzilish holatlariga chek qo'yish uchun balki haqiqiy inspektor va qonun himoyachilarini birlashtirish kerakdir.

Fazliddin RO'ZIBOYEV.

Tabiatdagi "ZAHAR"lar

Bir tasavvur qiling. Quyoshli kunda gulzorda barq urib turgan gullar, endigina ochilmoqqa chog'lanayotgan g'unchalar to'satdan kuchli jala ostida qolsa, qay ahvolda tushadi? Changli shamol yam-yashil maysazorga yopirilgandachiqi? Qum bo'roni kutilmaganda dov-daraxtlar barglari ustiga to'kilsa, bu baloi ofat ularning tabiiy holatiga zarar yetkazmasmikin? Oftob nuri va musaffo havo bo'lmagan joyda g'iyohlar yashnab o'sarmidi? Yo'q albatta! Zaharli oqova suvlarning daryo va ko'llardagi baliqlarga qiron keltirayotganini esa qayta-qayta eshityapmiz.

Tabiiyki, har bitta o'simlik va jonivorning hayot davomiyligi bor. Lekin ular noqulay sharoitda ozor chekadi, qurib-qovjiraydi, yashovchanlik qobiliyatini yo'qotishi, hatto nobud bo'lishi mumkin. Odam ham shunday. Uning ko'p yillar sog'-salomat yashab, uzoq umr ko'rish uchun toza suv, qulay muhit va sof havo kerak.

KISLORODNI QAYERDAN OLAMIZ?

Insoniyat taraqqiyotida eng uzoq davom etgan davr - tosh asrida kishilar tabiatga juda yaqin bo'lgan. Ajdodlarimiz suv, o'simliklar va tuproqni muqaddas hisoblagan.

Tabiatga mehr-shafqat va oqilona muomalada bo'lishning o'ziga xos tartib-qoidalari uch ming yil avvalgi "Avesto"da ham qayd etilgan. Ya'ni, yerni ifloslantirib, unga ziyon yetkazgan yoki o'simliklarni payhon qilgan odamlarga maxsus jazo turlari belgilangan. Bolalar juda kichikligidanoq daraxt ko'chasi o'tqazish, yerga don qadash va nihollarni sug'orish ishlariga o'rgatib borilgan.

Ona zaminni bor holicha asrash zarurligi azal-azaldan yoshu qariga farz qilingan. Lekin davrlar o'tib, bu qoida buzildi, uzoq yillar davomida atruf-muhitga qilingan qo'pol munosabat tufayli endilikda ekologik ahvol butkul izdan chiqib bormoqda. Havo, suv, tuproqning ifloslanishi sababli aholi o'rtasida turli kasalliklar kelib chiqayotgani ham sir emas. Shunday bir vaqtda o'zimizni muhofaza qilish choralarini bormikin?

Rivojlangan davlatlarda tabiatga to'g'ri munosabatda bo'lish allaqachon qonunlashtirib qo'yilgan. Masalan, chet elda kimdir chekayotgan sigaretini yo'l chetiga oltirsa, qattiq ogohlantiriladi. Sababi, hali o'chmagan sigaretidagi tutun havoga tarqalib, uni ma'lum miqdorda zaharlashi mumkin. Yana kimdir qo'lida g'ijimlangan qog'ozni yerga tashlaganini ko'rgan kishi borki, bu ishi xato ekanini unga tushuntiradi. Birorta ko'p yillik o'simlikni tag-tomiri bilan yulib olganlar ham katta jarimaga tortiladi.

Milliy boyligimiz bo'lgan dorivor g'iyohlarni o'z bilganicha yig'ib, bozorda pullayotganlarga bizda hech qanday chora ko'rilmaydi.

Tog' yonbag'irlarida o'sayotgan to'rt yarim ming turdagi o'simliklarning 1150 turi shifobaxsh xususiyatiga ega ekanligi olimlar tomonidan aniqlangan. Aslida bunday dorivor g'iyohlarning genofondini saqlab qolish choralarini belgilash va ular kelgusi avlodlar salomatligi uchun ham zarur bo'lishi haqida jiddiy o'yab ko'rilishi kerak. Lekin olimlar yon-atrofimizdagi tabiiy go'zalliklarga putur yetkazilayotganligi oqibatida 344 ming turdagi o'simlik va 5200 turdagi jonzorlar soni hademay juda kamayib, o'ta noyob bo'lib qolishi mumkinligini qayta-qayta aytishmoqda.

Yana bir holatga e'tiborni qaratishimiz lozim. Soha mutaxassislarining ta'kidlashlaricha, katta ko'chalar bo'yab g'ir-g'ir qatnatyotgan transport vositalaridan chiqayotgan gaz tarkibida uglevodorodlar, qo'rg'oshin, azot oksidi va is gazlari mavjud.

Atigi bitta avtomobil har yili atmosfera havosidan anchagina miqdorda shifobaxsh oksigenni "yutib", dudburoni orqali 500 kilogramm karbonat anhidrid va is gazlari, 40 kilogramm azot oksidi, 200 kilogramm har xil birikmaga ega karbon suvlarni havoga ajratib chiqararkan. Shu kabi noxush holatlar tufayli havoning tiniqligi 25-30 foizgacha kamayadi. Havoda musbat (foydali) ionlar ozayib, manfiy (zararli) ionlar ko'payadi.

Bundan tashqari, havoga tarqalayotgan chang zararlari biz uchun foydali hisoblangan ultrabinafsha nurlarning ko'p qismini o'ziga singdiradi va ularning yerga tushishiga to'sqinlik qiladi. Aniqliq, havoda tutun, qurum va turli xil changlarning qalinlashishi natijasida quyoshdan kelayotgan ultrabinafsha nurlarining yo'li to'silib, insonda foydali oftob nuriga tanqislik seziladi. Bu esa organizmning kasalliklarga qarshilik

ko'rsatish qobiliyatini pasaytiradi, oqibatda yuqumli dardlarga moyillik ortadi.

Yon-atrofimizda bizga beminnat xizmat qilayotgan kislorod manbai bo'lmaganida edi, insoniyat allaqachon muqarrar xavf girdobiga tushib qolardi. Bunday kislorod manbai - hayot uchun bebaho oksigen ishlab chiqaruvchi yashil o'lamdir.

Tadqiqot natijalariga ko'ra, bir gektardagi qarag'ay havodagi karbonat anhidridning yuz foizini o'ziga shimadi, yil davomida 30 tonna changni havodan "tutib" qoladi.

Aholi yashash hududlarida daraxtzorlarni ko'paytirish zarur, chunki ular quyoshli kunlarda 300 kilogramm yaqin karbonat anhidrid gazini yutadi va shuncha miqdorda shifobaxsh oksigen gazini ajratadi, bu esa bizning toza havodan nafas olishimizni ta'minlaydi deyishadi mutaxassislar.

Daraxtlarni doimiy tarzda parvarishlasak, turli xillarini ekib-ko'paytirsak, bu yumushga farzandlarimizni ham jalb etsak, qanchalar soz bo'lardi.

ICHIMLIK SUVIMIZ JUDA OZ...

Bir necha yillar avval teleekranda kichik bir lavha namoyish qilindirdi. Unda o'qituvchi sinfga kirib, shisha to'la suvni bolalarga ko'rsatadi va shunday deydi:

- Buni qarang, aytaylik, kurrai zaminda shuncha miqdorda suv bor, agar buni beshta bo'lakka bo'lsak, uning to'rtidan bir qismi ichishga yaroqliqdir. O'quvchilar hayratlanishadi: "Nahotki biz ichadigan suv shu qadar kam bo'lsa?!"

Tasavvur qiling. Inson kimsasiz qaqroq dashtda adashib qolsa-yu, so'ng tashnaik tufayli holdan toyib hushini yo'qotsa. Shunday vaqtda faqat og'izga tomizilgan bir tomchi suvga inson hayotiga qaytara oladi. Suv shunchalik qadrlil, aziz!

Tirikligimiz asosi bo'lmish suvga nisbatan munosabatimiz hamon yomonligicha qolmoqda. Yer yuzining 70,8 foizi suvdan iborat ekanini hammamiz bilamiz. Biroq shu suvning asosiy qismi sho'r, juda oz qismi chuchuk, xolos.

Tarixdan ma'lumki, ayrim mamlakatlarda turli kasallik epidemiyalari tarqalishiga suvning yuqumli infeksiyalar bilan ifloslanishi sabab bo'lgan. Abu Ali ibn Sino ham asarlarida suv haqida to'xtalib, qo'rg'oshinli quvurlardan oqqan suvning salomatlik uchun xavfli ekanini ta'kidlagan. Bugungi kun mutaxassislarining aytishlaricha, suv tarkibidagi o'zgarishlar yurak va qon-tomir xastaliklarini keltirib chiqarishi kuzatilgan.

Yon-atrofimizga qararasak, ba'zan ichishga yaroqli suvning ko'plab isrof bo'layotganini ko'ramiz. Ayniqsa shahar sharoitida (hatto ko'plab qishloqlarda ham) tomorqa ekinlarini ichimlik suvi bilan sug'orish hollari uchraydi. Jo'mragi buziib, tomchilayotgan suvni ko'rib indamasak, muammoni hal etish chorasini ko'rmasak, qisqa muddat ichida anchagina suv isrof bo'lishi tayin.

Tadqiqotlar natijasiga ko'ra, inson salomatligiga salbiy ta'sir etayotgan omillarning 30 foizi suv tarkibining buzilishiga to'g'ri kelarkan. Demak, har bir kishi ichimlik suvidan tejab-tergab foydalanish xususida o'yab ko'rish zarur. Vaholanki, bu borada hukumatning bir qancha qarorlarida ham o'ta muhim vazifalar belgilab berilgan.

Suvni aql bilan ishlatasak va behuda isrof qilmasak, faqat o'zimizni emas, balki kelgusi avlodlar kelajagini ham qadrlagan bo'lamiz. Tip-tiniq suvlar mo'l-ko'l oqib tursa, rizq-ro'zimiz oshadi, uylarimizga baraka kiradi, dardlar chekinadi.

O'SMIR TANASIDAGI QO'RG'OSHIN

(biz endilikda nimalar qilishimiz kerak?)

Bolalarning nafas olish a'zolari kasalliklari bilan havodagi zaharli moddalarni o'rtasida bevosita bog'liqlik mavjud. Davolash qiyin kechadigan allergik va toksikoallergik xastaliklarning yoshlar orasida ko'payayotganligiga ham havoning zararli moddalar bilan zaharlanganligi sababchidir.

Jahon sog'liqni saqlash tashkilotining ma'lumot berishicha, atmosferani ifloslantirayotgan toksik moddalar har yili dunyo bo'yicha besh mil-



londan ortiqroq bolalar hayotiga zomin bo'lyapti. Tuproqda og'ir metallarning ruxsat etilgan me'yordagidan ortiq to'planishi natijasida o'smir bolalarda yurakning tez urishi, bosh og'rig'i, qon bosimi ortishi kuzatilayotgan ekan. Bunday yoshdagi bolalar iligida hatto qo'rg'oshin moddasi borligi aniqlanibdi!

Ekologik muhit uchun katta ahamiyatga ega hisoblangan ozon qatlaminin tobora yuqqalashayotgani ham tarkibida fluor va xlor bo'lgan organik moddalarning atmosferaga ko'tarilayotgani oqibatidir, deydi olimlarimizdan biri.

Borliqning fuxunkorligi kishining ko'zlarini yashnatib, ko'nglini yayratadi, vujudiga kuch-quvvat ato etib, salomatligini mustahkamlashi asl haqiqat. Dunyoga tanilgan adib Rauf Denktash ham o'z asarida "Kundalik tashvishlardan horigan kezlaringizda atruf go'zalliklaridan bahramand bo'ling, siz yastanib yotgan yashillik olamiga to'yib boqsangiz, ruhingiz orom oladi, jismingiz dardlardan holi bo'ladi, hayotning beqiyos chiroyini va zavq-shavqini his etasiz..." deya yozadi.

Bizni so'lim va bahavo maskanlar doimo o'ziga jalb etaveradi. Ammo tabiat bag'rida yayrab hordiq chiqarish bilan birga shunday jozibador hududlarni asrab-avaylash ham zarurligini unutmay. Aslida tabiatga noto'g'ri munosabat, tabiiy boyliklarimizga e'tiborsizlik tufayli har joyda chiqindilar ko'payib, biosferaning ifloslanishiga sabab bo'lishi mumkin. Shunday ekan, kishilar ongiga ekologik madaniyat tushunchasini har qachongidan ko'ra chuqurroq singdirish bugungi kunning muhim vazifalaridan biri bo'lib qolishi lozim.

Atruf-muhit holatining inson salomatligiga ta'sirini o'rgangan olimlarning ta'kidlashicha, bemorlar yashayotgan hudud havosining yaxshilanishi, toza ichimlik suvi bilan ta'minlanishi yoki bu joylarning ko'kalamzorlashtirilishi bevosita davolanish jarayonining kuchayishiga hamda tez fursatda sog'ayishga sezilarli ta'sir qilgan ekan. Bundan ko'rinadiki, sog'lom hayot hovli-joylarni ozoda saqlashdan boshlanadi.

Uy atrofidan chiqindi axlatlar o'z vaqtida olib ketilishi zarur. Aks holda turib qolgan oshxonada chiqindilarida kasallik qo'zg'atuvchi mikroblar tobora ko'payaveradi va inson organizmiga katta zarar yetkazadi. Negaki, chiqindilar biz nafas olib turgan havoni zararlaysin. Axlal uyumi bor joyda chivin va pashshalar ko'payadi. Ochiq qolgan chiqindi uyumida ko'paygan pashshalar poliomiyelit va botkin kasalligi (virusli gepatit)ning va boshqa juda ko'p yuqumli xastaliklarning tarqalishiga sababchi bo'ladi.

Shifokorlarning fikricha, ko'cha va yo'laklarda uzoq qolib ketgan chiqindi va axlatlarda qorin tifi, paratif (zaharlanish), tuberkulyoz va bir qancha yuqumli xastaliklarni keltirib chiqaradigan mikroorganizmlar uzoq vaqt saqlanar ekan.

O'g'il-qizlarni ekologik jihatdan bilim qilib tarbiyalashga nafaqat ota-onalar, balki pedagog va tarbiyachilar ham o'zlarini mas'ul deb bilsalar soz bo'lardi. Negaki, ekologik tarbiyani avvalo oiladan, bolalarning bog'cha yoshidan boshlash to'g'riroq. Maktabgacha tarbiya muassasalarida olib boriladigan turli tadbirlar jarayonida bolalar ongida ekologik madaniyatni shakllantirish, shuningdek, ular qalbidan o'zi yashayotgan joyga, o'simlik va hayvonot dunyosiga mehr uyg'otish lozim. Shunday yoshlarimizning yon-atrof orastaligiga e'tibori kuchayadi, borliqni asrab-avaylashdek ezgu maqsadlar yo'lida harakat boshlaydi. Asosiysi, ona tabiat oldidagi insoniylik burchimizni har birimiz yurakdan anglaganimiz ma'kul. Shundaygina kelajagimizga xavf solayotgan ekologik zararli omillarning oz bo'lsada oldi olinishi shubhasiz.

Gulchehra JAMILOVA,
O'zbekistonda xizmat ko'rsatgan jurnalist.

MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 14 209 nusxada chop etildi. Buyurtma 55. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxonalar manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

Navbatchi muharrir:

A.SHERXOLOV.

Navbatchi:

A.BAROTOV.

Sahifalovchi:

B.ABDULLAYEV.



Saytimizga o'tish uchun QR-kodini telefoningiz orqali skaner qiling

ISSN-201667X



9 1772010667009

Sotuvda narxi kelishilgan holda

